

## **SOALAN LAZIM EJEN CUKAI GST**

### **1. Apakah yang dimaksudkan dengan Ejen Cukai GST?**

Ejen cukai GST ialah mana-mana akauntan profesional atau mana-mana orang lain yang dibenarkan oleh Menteri untuk bertindak di Malaysia bagi pihak mana-mana orang bagi apa-apa perkara di bawah Akta Cukai Barang dan Perkhidmatan 2014.

### **2. Apakah syarat-syarat untuk menjadi Ejen Cukai GST?**

Pemohon merupakan seorang individu dan bermastautin di Malaysia serta mempunyai kelayakan berikut:

- (a) Kelayakan akademik
  - (i) Mempunyai kelulusan akademik seperti di Jadual Pertama Bahagian I, Akta Akauntan 1967 di **Lampiran A**; atau
  - (ii) ijazah pertama dalam bidang perniagaan dan ekonomi daripada Institut Pengajian Tinggi Awam (IPTA) atau Institut Pengajian Tinggi Swasta (IPTS) yang diiktiraf oleh Kerajaan Malaysia;
- (b) Keahlian profesional
  - (i) Mana-mana persatuan akauntan yang diiktiraf oleh Kerajaan Malaysia seperti di bawah Jadual Pertama Bahagian II, Akta Akauntan 1967 di **Lampiran B**; atau
  - (ii) Persatuan Akauntan Percukaian Malaysia (M.A.T.A), Institut Percukaian Malaysia (C.T.I.M), Institut Akauntan Malaysia (M.I.A) atau *Malaysian Institute of Chartered Secretaries and Administrators* (MAICSA).
- (c) Menghadiri kursus Cukai Barang dan Perkhidmatan (GST) anjuran JKDM atau anjuran bersama dengan MATA, CTIM atau MIA. Jumlah masa kursus yang perlu dihadiri adalah tidak kurang dari 36 jam.
- (d) Lulus Peperiksaan yang dikendalikan sepenuhnya oleh JKDM.
- (e) Pengalaman 5 tahun praktikal dan mengajar di bidang GST.  
**Pengalaman ini dikecualikan sehingga 31 Mac 2020.**

### **3. Adakah saya layak untuk menjadi Ejen Cukai GST, sekiranya saya bekas kakitangan JKDM?**

Pegawai JKDM adalah layak menjadi ejen cukai GST dengan memenuhi syarat-syarat berikut:-

- (a) Tidak lagi berkhidmat sebagai penjawat awam

- (b) Pernah berkhidmat dengan JKDM selama 15 tahun dan mempunyai sekurang-kurangnya lima (5) tahun pengalaman dalam bidang GST
- (c) Menjawat sekurang-kurangnya jawatan Penguasa Kastam Gred W41 dan ke atas semasa dalam tempoh perkhidmatan dan lulus dalam peperiksaan kursus Cukai Barang dan Perkhidmatan (GST) anjuran Jabatan Kastam Diraja Malaysia.

**4. Apakah tatacara untuk memohon sebagai Ejen Cukai GST pada kali pertama?**

- (a) Pemohon boleh memohon secara *online* di Sistem Ejen Cukai GST di <https://sec.treasury.gov.my>.
- (b) Disertakan dengan bayaran fi permohonan sebanyak RM200.00 yang boleh dibayar melalui perkhidmatan perbankan internet samada menggunakan kad kredit ataupun debit terus melalui FPX.
- (c) Dokumen sokongan seperti berikut hendaklah dimuat naik semasa membuat permohonan:-
  - (i) Gambar berwarna terkini pemohon berukuran passport (3.5 x 5.0 cm)
  - (ii) Salinan sijil akademik dan profesional (sijil berkenaan hendaklah diimbis berwarna)
  - (iii) Salinan sijil kursus atau seminar GST yang dihadiri (sijil berkenaan hendaklah diimbis berwarna) dan
  - (iv) Senarai pelanggan yang berkaitan dengan GST yang akan dikendalikan dalam tempoh satu (1) tahun terkini.

**5. Berapa lama tempoh kelulusan sebagai Ejen Cukai GST?**

Tempoh kelulusan ejen cukai adalah dalam tempoh minima dua (2) tahun bermula dari tarikh kelulusan tersebut.

**6. Bolehkah kelulusan tersebut terbatal atau ditamatkan?**

Kelulusan ejen cukai GST boleh terbatal/tamat jika:

- (a) Ejen cukai GST sendiri memohon untuk pembatalan
- (b) Tempoh kelulusan ejen cukai GST telah tamat
- (c) Ejen cukai GST tersebut bankrap atau tidak berkeupayaan atau meninggal dunia
- (d) Demi kepentingan dan perlindungan hasil negara
- (e) Ejen cukai GST memberikan maklumat palsu, mengelirukan atau tidak tepat dan
- (f) Ejen cukai GST tidak mematuhi kod etika ejen cukai GST yang telah ditetapkan.

## **7. Apakah syarat-syarat untuk memperbaharui sebagai Ejen Cukai GST?**

Syarat-syarat pembaharuan ejen cukai GST adalah seperti berikut:

- (i) Ejen cukai GST hendaklah menghadiri persidangan, seminar atau bengkel percukaian GST terkini anjuran JKDM sepenuhnya atau anjuran bersama dengan MATA, CTIM atau MIA; dan
- (ii) Memperolehi 30 mata CPD/CPE setahun.

## **8. Apakah tatacara untuk memperbaharui sebagai Ejen Cukai GST?**

- (a) Hendaklah dibuat secara *online* di Sistem Ejen Cukai GST di <https://sec.treasury.gov.my>.
- (b) Dokumen sokongan seperti berikut hendaklah dimuatnaik bersama semasa membuat permohonan:
  - (i) Gambar berwarna terkini permohonan berukuran passport (3.5.x 5.0 cm);
  - (ii) Salinan sijil-sijil kursus atau seminar GST yang telah dihadiri (sijil berkenaan hendaklah diimbangi berwarna);
  - (iii) Senarai sekurang-kurangnya 30 pelanggan yang berkaitan dengan GST yang dikendalikan bagi tempoh tiga (3) tahun terkini; dan
  - (iv) Permohonan pembaharuan hendaklah disertakan bersama bayaran fi permohonan sebanyak RM200.00. Bayaran hanya boleh dibuat secara *online* samada melalui kad kredit atau debit terus melalui FPX;
- (c) Permohonan pembaharuan hendaklah dikemukakan sekurang-kurangnya empat (4) bulan sebelum tamat tempoh 2 tahun
- (d) Kelewatan mengemukakan permohonan pembaharuan dalam masa yang ditetapkan seperti di para (c) akan menyebabkan kelulusan berkenaan tidak dapat bersambung walaupun sehari selepas tarikh kelulusan tersebut tamat. Kelulusan yang telah tamat tempoh selama satu (1) tahun atau lebih, tidak layak untuk diperbaharui.
- (e) Tempoh kelulusan pembaharuan ejen cukai GST akan diberikan bagi suatu tempoh minima dua (2) tahun bermula dari tarikh kelulusan tersebut.

## **9. Sekiranya permohonan saya ditolak, adakah rayuan boleh dibuat?**

Pemohon boleh membuat rayuan dalam tempoh enam (6) bulan dari tarikh surat pemberitahuan keputusan penolakan atau terbatal atau ditarik balik. Pemohon yang tidak berjaya dalam rayuannya boleh membuat permohonan baru untuk menjadi ejen cukai GST. Permohonan baru ini boleh dibuat selepas (6) bulan dari tarikh surat pemberitahuan keputusan rayuan.

**10. Adakah pengalaman dalam bidang GST diperlukan untuk memohon sebagai Ejen Cukai GST?**

Pengalaman dalam bidang GST tidak diperlukan sekiranya permohonan dibuat dalam tempoh peralihan ke arah tarikh pelaksanaan GST bermula daripada 1 April 2015 sehingga 31 Mac 2020.

**11. Siapakah yang saya boleh hubungi untuk pertanyaan lanjut?**

Untuk maklumat lanjut mengenai permohonan ejen cukai GST, sila hubungi atau layari:

- (a) Laman web Perbendaharaan / GST Customs:  
<https://www.treasury.gov.my> / [www.gst.customs.gov.my](http://www.gst.customs.gov.my).
  
- (b) Bahagian Cukai, Perbendaharaan MOF  
Tel : 03-88823346 / *Helpdesk* : 03-88906571/76  
Faks : 03- 88823893 / 03-88823894  
Emel : [sec@treasury.gov.my](mailto:sec@treasury.gov.my)
  
- (c) Pusat Panggilan Kastam  
Tel : 03-7806 7200/1-300-888-500  
Faks : 03-7806 7599  
Emel : [ccc@customs.gov.my](mailto:ccc@customs.gov.my)